

題鳳館藁





題鳳館稿

昌黎

楚韻賦人時高昏奉極時蜀南朱鑑成眉君著

著

卷

寶拂珊集

雲后越天下事歸自常言一變五親百且波

此皇送陳儷秋歸吳川

萬天送陳儷秋歸吳川

毒龍噴霧迷青天陳侯辭我歸吳川半年奔走越萬里  
撫膺嗚咽捶空拳人生何限行路鷄對君有意不敢宣  
八月蒼茫問家室高堂凝望當言還我住京師攬豪傑  
文章風節真可憐我友眉生走相告佳人格調殊時賢  
征南幕府需鸞肩江河飛渡同投鞭鄉人乘傳世俗貴

拂珊集

一

國士報主神骨堅鮫珠滿把擲地破龍旛四轉虛空縣  
當食三歎夜不眠高車大馬隨棄捐票姚無家實有任  
今君之去何間然揚州於我交忘年掄才屢指君無前  
我豈因人作毀譽目光如炬勘瓊瑤觀君鏡骨撐雙顛  
長軀大穎立不偏誰使斯人智勇困更覺骨髓忠義填  
九皇忽欲構雲屋豫章萬丈羞柎梗便可移家住日下  
養親暫借雲司錢天下事機自常有一夔足勝百足蚘  
我隨烟霧入海島君奉神柄旋坤乾雲中海上或相見  
呼奴再給昌黎舡

侵晨入劉家祠揚州已他出校有自花縣寄僕詩  
獨坐無俚走筆步韻一章詩成數十抄揚州始  
歸視之共一笑歎時揚州將去赴揚

東州先生留明湖相去萬里無由呼幸有使君挈賤子  
四明狂客其人乎我雖如鶴長羈孤氈毳拂拭氣氈蘇  
人海淵淵不見底兄弟飄零古今似久學林宗墊角巾  
不妨蕭育稱男子軒眉撫掌盈尺地使君又欲離鄉里  
海潮迅疾入吳淞淚點殷紅變湖水學道無成聊任達  
此心不易因人靡醉後屢遭官長罵狂來不計府公喜

拂珊集

二

使君之去不可留何人再許言無忌祝君勳業今不慳  
俊民易撫無梗頑詩人爲政自愷悌療以龍肉扶其孱  
明年天許汎海役相逢恐在消夏灣

楊友竹大令

元勳

招同郭揚州梁禮部陳秋瞽何

迴川明府窮豐饜之勝畫湖山雅集圖徵詩爲

作此歌

鵝城斗大迺爲鵝湖築  
依倚煙波繫征轂  
面塵一寸支離人  
蹙借湖雲作膏沐  
昨飲羅浮院未上  
澄觀樓鬚眉曾不識  
楊侯忽來招我湖  
上游梁陳官職應  
列宿雲龍

追逐笑指吾揚州水風簇浪鱗鱗起笑聲吹墮湖光裏  
東坡去後更見子西來卿轡袞袞誰弗宜山水揚侯冷  
宦二十年座上客滿囊無錢近且飛鳧入閩嶠欲別湖  
去心茫然我行徒倚征南節對人啞啞存吾舌靑睚鷄  
逢此白頭丹簡爲君噴熱血羊城荒穢坐矚英圭黎絳  
帕蒙頂壓地殷鼉聲澄清祇此一湖水今我不樂將誰  
貽聞君雄畧世死偶上馬兜鍪下舡酒誓斬鯨鯢盡鱗  
鬣更愛虎兒好身手公子善戰侯云君不見湖山講堂創自甯  
化伊墨卿 苴灣湘 壁上多留題昔時絃管今則屯貙羆

拂珊集

三

亂刀斫柱供朝炊令我觀之含涕洟鬱鬱倒盡君家鴟  
酒酣更過朝雲墓白鶴之峯隔江顧西新東新雙橋縹  
緲行雲路贈小乘禪嗟滅度微風吹雨點滴溼我襟關  
關湖上驚起雙棲禽惠州百日一日清吾心天水老人  
年九十窮臥城樓飽墨汁筆力迺竝祁岳立楊侯抱絹  
走乞圖斯集笑倒楊侯狀植鰭飭食糠覈余則肥脩短  
鵞皓殊髮髭落落諸子非因形貌奇楊侯陳郭奮筆先  
成詩吁嗟此圖儘足喜我亦淋漓書一紙點雪之鴻紛  
爪指何因不見儀瞿君催詩入畫更叩何夫子

聞陳頌南先生下世感賦

陽氣日孤危斯人不可追我行三月暮幸得覩鬚眉星  
隊海波沸澤空鯁鱣嬉桂林老執法稱與譜哀詞

謂伯韓丈

姦雄骨已朽心法滿人間死得請

先帝天應殛庶

頑嚴秋仍寂寂熱淚更潛潛大海沈兵氣乖龍未易還

索鞠一枝不得

借錢買酒易秋花不可得吾心固澹蕩慮減重陽色天  
時有春秋萬物各識職何爲傲霜骨不與秋宣力霜鬢  
豈待蓼落英鮮可食獨辟離憂人自飽風露息籬薄草

拂珊集

四

鷄鋤太息空香國

送竹巖劉將軍歸閩

暮春之初覲君面首夏之首偕君行重陽之後送君去  
海風號作轟雷聲古來材大不易遇君之馬槩我辭賦  
鵝城褊狹不容君歸向釣龍臺上住君家果烈輪精忠  
賢兄果烈公三  
年前殉節江右介弟能補平寇功蘇家兄弟觀南海識  
得凜凜千夫雄

題蕭欒軒

諫

誼閣詩鈔

之子吾鄉秀雞栖粵海頭家貧仍足學髮白不言愁待

過龍蛇劫重尋鷗鷺儔我雖慙甫白何必遜羊求

海內詩人少窮秋客感多上交工局促吾道自蹉跎篇  
翰期同秘江湖漫放歌幾時辭幸舍高詠上三峩

白鶴峯送伯蓀口號三絕句

老龍

粵舫名

西去度湖湘看過衡崧看太行臘月京坊傾

歲酒新橙如雪點茶香

時附橙貢舫行

八百年來笠屐圖今人鷓忘古眉鬚憑君揚寄眉州李

憶殺天南大小蘇

以文忠笠屐圖贈伯蓀並託寄眉生

來時攜手約同歸蘇井澄澄鶴獨飛燕市荆高爭問訊

拂珊集

五

庾郎腰腹減前肥

伯蓀謂僕日來畧瘦

秋夜讀書詩七章寄楊大令竹友蕭記室欒軒

折紙籠秋燈光明晃雲母霜氣下尋常怪風驚夜吼豪  
貴何所營恃有長夜酒古賢不覓心引人默點首

陽春嚴遠駕萬里來海頭同行二三子冰渙西北流推

余老兄弟蛩駟楸荒州舉網得白魚攤書悟青牛蕭條

習自慣無益安用憂

嶽峙沙令君海國之新交頭童氣益壯萬甲胸中包我  
屢飲其室醉語相詼愛我詩語怪高歌奪笙匏行當

赴闕急天馬驅蒲捐生平好奇策談笑無居鄴勸君損  
論說世子多訾警

蕭君非寡髮狀迺如佛古欖軒以爲字甯因作詩苦身  
爲弦上箭人賞腹中語芭蕉移上林爰居享鐘鼓賢豪  
我定識矧乃共鄉土肯偕爾足游羅浮履暗虎

羲農是何世管樂是何才隨光是何地治亂是何胎開  
卷何燦烈掩卷還疑猜澹泊苦未能英華當早摧嚴秋  
木葉脫豈曰初無才

龍鍾三十九古語甯不聞而我益中乾始衰何必云南

拂珊集

六

方况卑下海氣腥臊薰文書籍遮眼燕耳齊邱墳豈無  
二頃田懶不習耕耘所以歸未得講席虛河汾

晨雞膈膊鳴膏竭燈銷燄推檠投榻臥長嘯拊莞簟好  
書讀未終身安意則嫌秋蚊有餘虐薨薨聲不斂其聲  
入鏡吹令我夢驚魘載興天已曙羅幃重自掩

從大兄于役增城別惠州去

時奉檄香辦增城番禺輪餉事

去住俱爲客吾何戀此都羅浮行漸近應更勝鵝湖兵  
食勞置吏行藏見腐儒六年此同載思殺雪堂居

余兄弟自

道光甲辰同載後至咸豐癸丑同載有詩記之今又六年矣



望羅亭飲酒歸而有作

羅浮待客久，矯首隔江顧。客已忘羅浮，出郭澹塵慮。危亭聳江浚，山翠飛亭樹。鷄負山靈意，深杯自傾注。野人酣睡地，茫茫隔煙霧。欲往叱之醒，虛空不可度。天地閉成冬，爾竟何時寤。酒殘天薄暮，新月明歸路。微醉擁虛燈，遐思笑冷趣。郭璞游仙詩，孫綽天臺賦。光景重流連，神明出章句。

嫂氏率兒輩至自官密借廬增城官舍

增城吾雅故，假館聚家人。多難容僑廬，思鄉獨愴神。兒

拂珊集

七

童黃犢健老子白鷗鄰，栗里歸畊後，深愁汝負薪。

己未奉大兄除夕寄裏之作

先君旣沒世，非兄吾安隨。事勢觀艱難，豈得無別離。鑑也澤麋性，才弗堪有司。期君絃歌化，三徑慰我私。拂衷嗔相宏，力竟華予遲。小生敢相吏，付之以笑嬉。暫飲增江水，便下江都幃。歲暮念行役，夜起微嗟咨。強詞慰賓客，鄉思母漣洏。雖无同功璽，尚有春蠶絲。便便十圍腹，豈合藏纖兒。鴻也捧詩來，謂從者王鴻老筆何紛披。不惜富貴晚，頗惜青春遲。兄弟行萬里，舊讀元祐碑。青鸞鍛雲

翻不息惡木枝願君襄國事自愛母我思試爲外人道  
笑我言皆卮

對花不聞香舉酒不盡卮因君絮絮語莫禁吾漣洏我  
有母若叔几杖莫能隨昔時飲屠蘇應客吾所司元旦  
掃先隴蕭蕭拜豐碑捧檄炎海頭安敢顧其私默坐計  
歲華半世空奔馳亡姊自同氣嫂婦如連枝後先去弗  
顧九京侍重幃骨肉恩殆盡此後宜何思虎女甫五齡  
下九隨娛嬉豈解念遠人怪母何嗟咨嘻乎老兄弟豈  
得長相離三載計宦成築室不可遲聽雨兩白頭行樂

拂珊集

八

揮諸兒譬如再實木厥根原易披但令能暖酒日飲如  
爰絲

附原作

朱鉅成

萬里眎吾急蓬轉當相隨何圖事會際遠合近乃  
離軍與慮餉紬綱運催百司藩伯選督吏濟公虞  
擾私嗟我旣膺役簡書安敢遲顧念子遠來歲暮  
誰娛嬉鄉風重守歲骨肉團庭幃阿母及老叔念  
遠當嗟咨嬰倪掌中珠憶父知漣洏左芬才過兒  
絳絕寡女絲更憐先娣姒侍親婦代兒存歿恩愛

人秋葉何紛紛披惟我與子近亦等千里馳兩雛雖  
侍側五尺沒字碑居亭幸賢達瑣尾安借枝願子  
襄抱開勿縈無益思笑歌雜主賓春波蝠酒卮  
奉答江子雨中丞見贈之作

鱗不盈寸翼不尺摩霄浮海胡所終重瞳作樂名啞鳳  
壯武博雅詳癡龍萬花灑筆江文通醉鄉安置王无功  
憶雲高歌李昌谷求官不過張伯松惠州山水似吾蜀  
古今人物將毋同君侯制作動海內蚤年高第呵余中  
龍節采風徧吳楚五馬入粵雙旌紅惠城傾圯幾百載

拂珊集

九

君侯慮始開其蒙皞皞萬夫供畚揭翼翼百雉嚴崇墉  
江山亭子郡城東黃樓置酒如坡翁年來蟻賊徧郊甸  
保障始識當時功能旛渡海凌天風迴翔屏翰聲施濃  
中丞假節靖多鷄偶戢大翼遊鱷豐香煙采勝相鮮濃  
玉鳩竹馬紛追從我時解裝適相值觀之太息民譽公  
君侯招宴聚鄉里圍燈促坐傾郵筒笑謂公榮不如子  
珍珠的皪須千鐘索觀文藝更賞歎談深燒盡樺燭紅  
座間賓客幾時散垂頭欲睡歐陽童我兄捧檄將去惠  
我亦長揖辭鶴峯馬卿游倦過王吉

謂采亭  
大令

增江莫是

吾臨叩嚴寒易過春融融尊前細雨烟濛濛飛奴忽遞  
書重重跪讀泰山大河句靈輦節樂聲蓬蓬更期良會  
一宵假仙村側畔維艤艫稱促大笑渺滄海抑塞之氣  
聊一空狂風擊雨撲窗入浪聲雷動人雍容明旦分張  
自惘惘柁樓更鼓何忽忽歸來慷慨填吾胸荆山太璞  
需良工九圍十載訪耆舊道州而外多相逢京華蜀士  
有俊氣但自愧始知無窮君侯斷鰲待開濟小生舞鶴  
形氈毳歸與大好銘新宮行攝芒屨逃虛空君不見鱗  
不盈寸翼不尺摩霄浮海胡所終

拂冊集

十

附原作

江國霖

我晤眉君面如讀眉君詩天風海水噴胸臆美酒  
百鐘酣醉時我讀眉君詩如共眉君話十石強弓  
談笑開拔劍高歌天宇隘三峩矗立江水橫眉君  
坐嘯殊無朋東洲老筆最堅瘦三川震爾噲咤聲  
長安貴游盛車馬眉君遇之才斯下就中磊落三  
五人略許敏門說風雅蜀士今聞李范趙  
李六容儀部范  
雲吉比部李眉生  
兵部趙元卿侍御眉君誇其詩筆好琅琅都門酬  
唱篇畫角清鐘競霜曉客居忽不樂仗劍之炎洲

泰山初日蕩雙眸大河橫過輕如鷗西子湖邊揚

柳醉富春江上琵琶愁聯鑣草檄枚馬鄒金符玉

節相咨謀亦閒亦莊君之遊故應有奇詩必按解

裝乃在循之合江樓

樓在郡城東門坡  
公初到惠居此

坡仙大笑

東家邱我時去官百事懶未肯敲人鎖門限逡巡

百日始見君翦燭談深酒盃淺可惜君來時海國

風濤多五羊仙人不可見城垣白日遊蛟鼉秦之

驅之兩無術太息曩者乖人和君過珠江問劫火

空令叱咤成悲歌我遊粵中今一紀百事盈虧付

拂珊集

十一

流水但愁西鄙尙荆榛不信南交多薏苡循州之

來偶然耳得讀君詩老足喜手鈔須買洛陽紙更

欲因君問鄉人如此才筆今復幾

中丞囑校大集卒業系一詩

昔日詞人今重臣金波玉海美無倫官尊難賭雙鬢唱

語妙何嫌百態新鄉國文章推老輩海天烽火感閒身

九州無限名山在隨處堪題德有鄰

河南王新余索題采芝圖

金貂可換酒鶴擎來采芝童子仗劍隨利器付兒嬉足

下五緬屨乃是山中資學道貴年少服食不可遲彼哉  
商山叟白首歸無期

泗呈大兄出蜀時顧先生幼畊送行詩幅久不接  
幼畊手蹟讀之悲喜大鶻爲裏輒步韻自慰時  
大兄亦在佛山此詩當書二分一寄大兄一寄  
吾幼畊也

躡履下金臺重趺厯百舍將軍叱尚席匕箸不可借沈  
毅君素許幼畊素以  
二字目余樹立陋憑藉金石在貧賤君我自  
勿怕酒酣吐滿茵乃是熱淚瀉吾皇金甌固羣兒

拂冊集

七

鑽隙罅將命身何似轡語民難化泰山盡正堦跛羊易  
凌跨揮刀斷機素寒女自不嫁掉首平津閣伴食吾甯  
暇海頭賓出日鬼氣浸長夜羣龍羸中外此責將誰謝  
歌鐘羞魏獻圖畫思曹霸荒荒事莫語區區心未罷

朋友子三益兄弟吾二妙吾旣困苦躓子亦掩光曜海  
月入青城三人同此照吾感子纏絲人謂子寒隋目論  
故應爾丈夫脩自劬四年盡南北豈曰無同調但憶虎  
頭癡鶻展士龍笑汪生今何如謂紳  
安老溥世更請空山

媚翹翹九閭不可叫謂廣夫

今日是何日讀詩裏舊游嘻乎我數子所志豈遂休英雄非兒女亦重恩愛壽况乎詩未亡落筆關春秋我兄尤愿落三載无所求大官見而領未知安所酬果能愛牛羊自足興歌謳先謀七尺劍再置萬丈裘倦游倘相遇浩蕩嗟途脩

林羊詠史

庭堅忽不祀張杜世侯封定國廷尉平駟馬門能容人生貴任職年命殊虧隆中庭有二樹歲歲榮春風此樹不枯槁彼樹非葱蘢問樹樹不知問天天無功

拂冊集

三

四十學春秋六十供博士八十位相侯富貴以沒齒巍峩平津閣賓客云倒屣薦賢胡不聞載籍失所紀齊人詐無情蘆者言爾爾委蛇大君俞陽善故人死寧治上林羊勿牧海上豕

湖中望思臺上有白髮悲長年不可冀迺復哀其見維摩性純孝圖墓何其癡幸哉徐侍中不作江充欺兩主匪庸闇聰明文武資戾園感蚩尤昭明豈文詞烏乎仙若佛適爲巫蠱媒

陳湯阨匡衡靈臺值廣平公私倘有辨今古齊高各丈

夫豈無勇亦自重其生區區鑽故紙晚遇羞桓榮  
安石詣桓温退之使庭湊仁者勇定裕純忠天所佑忠  
宣馬角生屬國羝羊畜都尉自生降佳士歸不後何人  
有封事敵國千金購

讀元遺山飲酒詩有動遂飲酒亦作數章詩

我有忠孝衷力孱不能赴我有疎雋姿繩墨不易度故  
人饋美酒且飲齊昏暮泰山洩雲雨天潢驚屈注或作  
張旭顛人誤次公恕豈能遺世事萬物皆我具天葩手  
自采修鱗奴可捕痛飲信吾師聖賢漫相妒

拂珊集

十四

江南可憐春幽燕風雪天閩粵昏海氣酒味俱清鮮公  
榮不易得麗通殊足賢不然顧影醉亦使俗慮捐誰能  
如此友伴我三十年來輒令公喜去卽任客眠此生期  
沒世來世尤相憐

我兄亦嗜飲飲少不致醉我乃醉復飲貪廉此其異願  
兄絃歌化公田種秫畢民殺羔羊來政易陽鱗棄澆我  
官法酒償我憂時淚我醉仰視天太行新月出

奴兒幼被略將鬻碧眼胡邦君拔出之贈我爲提壺長  
頭七尺軀醉倒甯能扶念爾遇亦奇入海紛龍豬視吾



汨泉酒憂樂其如何

叢爾涼州地尙換蒲桃酒我家五羊城島夸斯唾手引  
杯看欄具當決月氏首朝廷弛酒權官醞尤醇厚漢相  
治清淨蕭規醉能守將軍意念深捫腹指其口

吾遣張仁赴廣州典裘贖酒子雨中丞聞之惠二

大甕竝作詩書聚頭扇相寄詞意甚美步韻一

章仍寄方伯當共一粲也

高天窮島浪游身沈醉東風不見春魚鳥無心隨海客  
乾坤何事用詩人負公賞歎知難稱招隱襟情感更新

拂珊集

計日酒船逢賀老茶筒誰謂庾郎貧

附原作

江國霖

海天烽火一間身草草移家更送春

新自禪山移  
家城西是日

立夏九日中酣醉客七千里外望歸人抱書欲向

青山去攬鏡驚添白髮新寄語倦游蘇季子酒船

分到莫愁貧

題周緩齋老人詩集

老人詩一卷溫雅異時髦澹味尤勝境隨年竝高風  
裏原爛漫世路苦將牢旦日謀絲竹從翁解鬱陶

久不得京華故人書可異也步月漫與  
諸子不宜爾何因無報書浮沈憐道遠放廢孰華子今  
夜見蟾窟知君思海隅人間風浪險銀漢下雙魚

采亭以奏銷赴省余與同載行省大兄也途中偶

書數十字

官人勤吏職羈人念同氣相與扶持行損識飄零味南  
交太鬱蒸單袂不可衣增江鷁首輕觀海鯨波沸指點  
蛟鼉迹悲歎已詞費深夜過黃浦聞磬歌聲飲黃浦逆  
吞戰艦星列夜擊磬以爲號令

海上

拂珊集

十六

海上風雷晝夜聞南交旌節倚紅雲天王地本無中外  
上相威原越幅幘豈信神州麀鳳絕坐看諸夏犬羊紛  
河東激贊梁邱據潁泚難成譽鬼文

子雨中丞丈招同俞觀察廖士孳萱記室伯翰明  
府泛舟珠江游最暢嗣觀察暨許通守排日約  
遊諸賢雅意不可沒也紀以詩

月端忍踏紅羊灰洗兵須倒黃金鼎烽烟暫息詩人來  
丈人有酒吾能陪叩舷一唱清且哀荔子灣頭紅欲熟

沈香浦口鞞紋薨豪家池館勞修築主人年齒輪喬木  
家世河陽差不俗聽松烟雨連大通其中聞有黃髮翁  
半生壇坫扶桑中如今捨宅爲冥鴻欲往視之嗟無從  
轉舵海珠雷雨黑丈人把酒長太息元黃戰後珠光蝕  
腸斷儀徵老相國文彎武威重臣職阮文達有海  
珠炮臺記憂時  
乃有無裒民諸君指口勸飲醅花田月上光爛銀連宵  
多照梁州人如何不飲頻霑中

俞觀察筵上作

殘照留紅客半醺踏筵袞屐潤高文玉東西出蓮花盞  
輒我還憑舊使君

拂珊集

七

花濃酒醞燈如海夜短情長眼有波醉倚小紅看太白  
大梁公子易消磨

紅雲宴罷荔支灣我與蕭郎鬢共斑擊萱最長  
次則余矣捉鼻半  
生時已過偶逢絲竹說東山

江湖蓬轉歎悠悠郎馬臣冠幾俊游花事一年春在水  
煩他流夢過揚州花事句滿江題舟中  
聯語也時守揚州

許通守屬題六朝松卷子

松傳爲晉將軍陳元德  
擊孫恩來粵所植今在

沙灣

我不見松惟見圖冥冥雷雨昏天衢居然鰲柱鎮南極  
不似列仙山澤耀千年彈指尋常事誰道人生不如此  
將軍威德史闕文游客悲謔久能情許俟軀瘦骨不孱  
拂拭東絹游沙灣有人爲寫駕天勢如爾迺是哦松官  
華陰道上看槐栢嶽氣輪囷滲古魄三代非遙今尙存  
六朝擊賊知何策風起濤聲裂厚坤酒酣不敢醉言吞  
斫取虬枝裝大劍南交處處馘孫恩

再題通守南唐梅花卷子

檀廚墨發古來香韻事千年屬子將說到梅花便愁絕

拂珊集

六

况傳消息在南唐

當塗詞翰老東坡太守扶筇共浩歌

卷經黃勤敏屢題  
王子卿先生屢和

皆用蘇集李公  
擇梅花原韻

漫與梅花論年命貞元朝士盡消磨

題磨士觀察凌雲課詩圖時客中窮甚緣作謔語

凌雲有道在絕學課詩迺爽茲山名漢嘉太守縱好事  
祇宜載酒招諸生太守服身行俄聞狎鷗宿至今山中  
二三月縞夜蒸霞徧巖谷其中似有人哦詩課者已去  
誰則知我昔登高發孤詠山鳥和以楊柳枝白魚紫筍  
家山處淪落海頭眞不如太守愛士宜飽之不應輒授

窮人具

再題一絕

東洲高逸廣粵奇瀟灑揚州一再題海內精英師友在

獨無南國虎頭詩

卷中東洲師廣夫滿江俱有詩幼晬亦在蜀與觀察相識而獨无題詠

也事

佛山襄校酬葉蓉史孝廉見贈

名其英嘉應州人

君年雖長我我儂已如君各負名山業難拋應俗文風

霜老詞客生死故將軍九牧斯文萃阿誰識逸羣

聽者休騰笑期君宦蜀中故山讓豺虎高第付兒童且

卷珊集

九

共羅浮駕消余塵土胸乘風便歸去羅者仰冥鴻

題嘉興馬秀才雲雜詩卷

大好清裁對偶文天涯一月有同羣白眉才子今猶古

赤脚神仙我與君

院中酷熱惟余二人不喜着襪

太傅樂歌原共喻將

軍揖客不堪聞此身如怕風塵老秘籍紛紛盡可焚

百年

百年如此急何事有閒愁一握蒲盧髮渾忘智伯頭酒

香偏病齒

齒痛戒飲

宵永獨疑眸物理知原早行藏未自由

雨中與大兄孳萱飲酒

天收百族煩憂淚化爲秋雨颯然至酒盃深淺君當知  
牀頭漏滴吾何避生平愛雨勝愛月深夜垂頭聽不寐  
淒如旖旎語雙鬢壯欲憑凌突萬騎古今之長宙合大  
聚散悲愉情味備往時我作風雨歎子遠悲感嘯波異  
風雨歎丙辰作  
子遠幼明字也子遠襄逸自酸辛嘯波齒末多游戲此  
日羊城共一尊明年馬足知何地我友不似中丞客我  
兄不似赤緊吏江海游民跡更奇除卻雨窗無位置可  
惜吾儕差識字古來雨粟神靈意商羊漫舞醉欲行挂  
壁甍時高蓋乘

拂班集

聽大兄夜話

開我曾吞雲夢胸銅餅得火出詞鋒先君作宦無私謁  
上品掄材有足恭白首定羸聽雨樂蒼天生欲逼人庸  
茂先纏帛鬚如此笑倒雲間陸士龍

讀十六國春秋

前趙

雙角鬚鬢授日精左賢侍子自天生武如絳灌文隨陸  
夏后兒郎漢室甥

麗芳登拜麗華隨系列天家體御宜最小劉娥尤絕世  
私脩牋表罷鷄儀

豫章樂府製初成不識龍顏識朕名銀研柘弓勞贈與  
名公孫女好酬卿

斬家姊妹趙家同家法分明出漢宮太弟少年輕語笑  
臙脂飛雨殿廷紅

天王四后任橫陳佩璽長秋更七人揮手遮須夷國去  
新皇忙殺六宮春

神劍中宵獻趙皇菅涔王亦似人忙開基聖主真豪俊  
司馬家兒國早亡

許通守屬題丁亥重九歐湖泛舟圖

拂册集

千載秋光只如此登荆山泛歐湖水尙書宰相力如何

憑藉腐豪秋不死圖成三十餘年題者黃勣敏王子歐  
卿壽陽相國葉封翁東鄉數人耳

湖清淺容輕刀荆山嶄絕風騷騷是何年少撫寒壁垂

趾遠過東坡豪荆山絕壁古鐫寒壁  
二字貳守下撫之年少而今變老醜

邀人還呷茱萸酒我行涉海當歐湖余數日後有  
航海之行若能

醉客誇魚留神山易上不可知登高豈患無新詩菊花

開侯卽重九試覓天南好畫師

題李四叅軍詩集

王孫詞筆繼南唐豪翰居然壓笏囊如意看人揮虎旅

君屢從軍聞中雙聲檢韻有鸞娘能詩讀書益智無他策閱世多

藉貴善藏莫戀衙官味雞肋青城山色鬱蒼蒼君有游宦吾蜀

意余贊之

題王蘭汀家齊大使詩集蜀故名宦王西

公子琅琊系吾鄉屬舊游遂鍾江漢氣來挹海天秋與

我論心遠純鋼繞指柔酒闌述先德吾願表松楸以尊先中

憲墓表見委

偉須肥於我詩心潛入雲憑誰識詞客猶是故將軍余知

蘭汀由江雲生丈浮海人將去題襟世共聞春風回巨舶重與

拂冊集

訂高文

大兄攝文昌篆余將從泛海去瀕行走別子雨丈

丈出近作屬點定復置酒祖道離人多感口號

一章

椎碎元龍百尺樓鷄披萬丈白家裘中原無地留書劍

犯斗他時問女牛人到愛才官定退公猶招隱我何求

酒闌長揖呼燈去皂帽籠頭上海舟

順風揚颿行順新道中作詩呈大兄

不是江淮舶趁風雲颿如翼點虛空十年奔走形神異



萬里波濤枕簟同，戢戢葵田豐地產。瀟瀟颯雨送官渡，君能飲酒吾能睡。睡起擎杯看水松。

出洋二首

大手終推古玉皇，手斟靈液潤元黃。天垂盡處星辰溼，夜欲殘時日月忙。一勺浸淫成巨物，三山縹緲是何鄉。江淮河漢游都倦，觀水今齊百谷王。

通明闕啟綠章騰，借作園池帝可膺。燦爛芙蓉移華嶽，流連魚鳥畜鯤鵬。虹絲正繫初三月，十月初三日龍目橫。日出匡門排十萬鎧公等相，思能過否掀天風浪隔千層。

海波曲

拂珊集

誰傾螺黛百萬斛，龍女洗粧海波綠。絳仙五斗空羞縮，隱娥靈素漂碧縠。陋殺湘江裙六幅，采采終朝不盈掬。乾坤縱毀色不剝，先生好奇百族畜。笑持蠡勺雷餘馥，衷歸淨洗池邊樹。生令吾廬成海屋，禺豨誤認休來觸。堆牀綠字盈千軸，抱之便可藏盤谷。君不見流珠芬艷，嬰往來供洗沐。萬年不染真精足，吁嗟足敵吾醜醜。

海口生日有作

百年終有死何况萬不及，而我已四十來歲豈逾廿七。

千四百日天海一呼吸美名掩耳鈴佳胄耽頤鬣胡盧  
盡倫類疣贅笑臣妾此身復何爲釀蜜復營蠟誰見古  
神聖再起地中蟄

瞻馬不能識晶鏡最相稱山河露豪髮眼固不見鏡鏡  
豈大英雄不以寵利競古來用人力咸自謂予聖竭力  
不尸功母亦鏡之命

生死實常見仙佛無其理仙佛理旣無鬼神同妄耳空  
虛共無物強名之曰天斯人共耳目若獨矜聖賢聖賢  
不殊眾惟嗜利與權我固洞奧窔所難悲喜捐民可使

由之此語近自然

拂珊集

檢雲生丈贈行諸物各報一詩

五色墨花沁寒玉田田荷葉蟬蛭宿文章夢蚤兆都亭  
端潔知難匿淵谷生平精衛填海心賢良入等空沈吟  
龍尾不因牛後累經經應作小夫箴

右古  
硯

長鯨一吸西江空吐茵深夜驚相公金花玉質出海國  
先生以此參醉龍暮春我住增江上酒船森至乘春漲  
瓊南椰酒屬天漿此盃不酌人間釀

右酒  
醜

少年易過頭將白大海風濤送遷客雲中白鶴翅麩麩

積風不厚難憑籍

孽括四印篆文

龜紐麟符半渺然司農赤手

歎無權不如當佩黃神印借搗蠻天十萬賧

右印章

白雪聲遏青雲高酒酣歌急彈寶刀手擲明珠一百粒

先驅海若消風濤四十九年第一曲落筆便鄰蘇玉局

奇句絃歌化蚤成

丈舊觀

書付舊時門子讀

右詞卷

次韻覽軒贈行詩卽寄

學古不入官鬱鬱心常望綦組忽被躬束縛神難壯古  
原強項稀今益周旋尚世俗自悠悠鄙裏徒悵悵渡海  
尋常事詎若人海浪紫瀾混六合吞吐聊一暢皇天怒

拂册集

五

嶽寄磨以黃茅瘴隻眼覲易破所遭皆坦蕩

十室有忠信坡老矜符黎介然用成路至今終塞後吾  
兄作邦君思職宜勤稽我游倦莫已何時蹋牛犁勿謂  
玻璃江勿謂葫蘆溪五羊渺何處夢返虞途迷

晤君鵝湖上精氣感斯文君不歸故里實難棄先墳我

兄孤簡性對君有餘欣自與周

伯蓀

徐蘭橋

別世子徒

紛紛中丞旣去位汲引何人勤君雖居帥幕難免心殷  
殷我又出天外結綬當誰羣聞君將作宦豈樂趨塵氛  
傷哉爲貧任上品無寒門惜我財不阜願就南風薰

彈丸荒瘠區亦屬天王土民不可鄙夸官人自勞苦爲  
人擇地難殫心諸大府願垂一尺涕不屑八風舞將帥  
臣安在枉聽靈鼙鼓倘得逢成連庶幾鑄何武中和樂  
職成陳蘭甫徐子遠當共覩此時天帝醉慙作鮫漁伍

附原作

朱小封明府之官文昌竝攜令弟囑君泛海去作詩祖道蕭

諫

儒生讀詩書早繫天下望臺鼎雖未陟守令亦足

壯百里誠區區循卓古所尙斯人倘被澤小屈詎

容悵朱君吾鄉彥萬里狎濤浪夙具醫國手

明府精於

醫烹鮮意聊暢瓊海居極南恆苦地多瘴但令耿

耿在百沚胥掃蕩

瓊州十三邑文昌獨無黎其土頗秀雋治澤方遙

俟海外事多忽吏治稀考稽良莠一相雜荒哇遂

難犁願君勿鄙夸光霽同濂溪澆風返以涓大道

期勿迷

令弟我同志相賞非徒文緒餘偶殫列高古皆皇

墳琴閣風雨夜對牀誠可欣臨歧各無語曷慰離

緒紛宕渠老詩伯

謂江中丞

愛士心常勤東坡蜜雲龍

遇子尤殷殷此去越炎海奇襄益超羣中原渺一

髮岷峨隔烟氛解渴有椰酒祛煩饒賓門囊中萬  
卷書試取沈香薰

頻年辟烽火躑躅少安土飲醕得二君羈旅藉忘

苦家亡負郭田碌碌棲幕府中夜聞荒雞慷慨徒

起舞珠崖舊所歷余年十六曾至崖州觀海興猶鼓惜哉妻

孥累未獲隨步武文莊與忠介刊集曾快觀二公集惟

瓊有刊板鴿原多好音勉作前賢伍

渡海至文昌雜詠

人間嶽瀆盡游蹤又徙南溟萬里風無用乾坤妄男子

拂珊集

三老

合將軀命付癡龍

風雅天吳不世情蚌珠光照鬻帆輕鳴頭綠過襄陽水

醉作龍吟和浪聲

瓊州處處祀東坡海外人心古意多配食文莊更忠介

天南雙柱也嗟峨

十日栖遲海口城主人粘叟費經營盤飧乍未諳鄉味

爲爾雙蒸略一傾酒名

觀察瓊南第一官將軍橫海尙桓桓朱旛太守東華客

初入邊州帶笑看

長公手版府中趨遊客蕭然對玉壺何處吾廬渺天末  
夜闌酒醒客星孤

朱琴碧鶴赴官來高下山隈更水隈笑問功曹停宿處  
打頭茅屋啟行臺

城啟三門夜不扃滿街明月靜扃聲軍官遙領虛城守  
花乳高擎剩老兵

文昌無西門夜不閉關沉弁從不來  
縣老兵三五縣官閭城蹴獻盃茗乞

賞而

已  
業凡攤書坐薛擘呼兒刪棘表花枝短牆新傅枕柳粉  
明月流連度影遲

拂珊集

三

刺桐花借一枝栖風送繁聲百鳥齊縱有山鵲作人語  
驚心終是子規嗁

佳客符黎覓已鷓可憐真一酒盃寒調羹爛煮東風菜  
閒約衙官過晚餐

蘆葢分疆故老遺坡參采石野人知賓門花熟椰漿滿  
說底橙黃橘綠時

兒家鬢鬢仿麻姑垂耳鬢鬢亦甚都短白綃衫剛搭膝  
紅鞋素襪不須扶

未離繡葆訂檳榔壓線頻年額尚黃惟願長官祝龍女

吹他舟楫早還鄉

粵人婚禮以檳榔爲聘文俗訂婚最早男子漸長泛海貿易長年不歸女

愆期不嫁多詠縣存案另婚

邑多著姓室多貧風俗應留上古淳怪殺旌旗溢城郭

家家來賽北山神

鄉原寶玉邑珠官贏得清泉紫貝山除卻聯牀聽風雨  
五雲夜夜夢天關

荒寂寡歡日與幕中蒔杉王君菑塢張君飲酒口  
號

天遣愁相勸吾惟酒易悲同人與斟酌醉語獨支離爛

拂珊集

完

漫黃昏際蕭條半夜時安得中山釀三年託一卮

雜詠

鰲雲出洞蔽虛空表海眞推颶母雄大翼垂天終莫必  
祇憑令史與同風

質庫應拋晏子裘輕寒易過暖長留水仙澹澹羅衣薄  
殘臘風光似孟秋

紫貝山見梅花

海國可憐春梅魂破臘新無慙藐姑射來慰謫仙人天  
地心如見山泉蹟已湮一枝足高潔何必覓雙身

梅開而芳鞠猶盛土人云海南入冬梅開無正候  
數日寒則一度放惟綴花差疎耳

夜深窺海月霜氣佛燈知萬物生於暖孤根遇獨奇古  
粧侍梅嶼清酒送東籬在谷高人滿名花笑趁時

爾我歌

爾旣執筆可以論書爾能拈韻可以論詩我亡尺寸而  
論平治我寧不愧于爾爲爾坐我舟不覺舟移我聆爾  
言而覺爾非我舟自移我不知我覺爾非寧非癡

輓張南山先生

拂珊集

忽聽逍遙叟杖歌海天霞唱息餘波因緣一面知無愧

鑑六月中晉謁先生數日 徵略千秋已不磨嶠外文章

遲兩月吾不及見子矣

歸溟上聲 渤湘中耆舊感山河 昔先生詢魏默深鑑告  
以前年歿於興化先生

愴然 莫愁南極風騷絕大筆陳彭世豈多 陳蘭甫澧吾  
泣下 見其箸交其

夜對水仙花

印窗斜月影娟娟開似無心靜可憐花暖石寒春在水  
夜深香澹夢留仙梅兄高格同婪尾崔侍丰神許竝肩  
薦茗一甌清不寐對君藏過酒如泉



再作早起

梅花自高人幽蘭實名士秋棠金屋嬌水仙靜女美飛  
塵靜細几編畫明玉藥七寶笑夫人九命遺瓶史雨細  
雲陰歲暮天盈盈楚楚感芳年炎方惜少玉龍戰雪裏  
嬋娟更可憐

迢迢

迢迢夜不曙起坐匡牀中殘燈隔羅幃宵氣昏濛濛  
燭置枕旁籥我紆鬱胸人影上虛壁蕭然雙禿翁此翁  
曾少年未與凡兒同持竿逐春醉枕劍眠秋風東陵日

拂珊集

觀頂鹵凭玉女峯北斬大河龍南毆江漢龍出處靡捉  
搦通介皆莫容茫茫走海外飽食真无功齒脫欲茹柔  
目昏其視矇人生隨氣化究以何時終

兒轡不讀書復不任畊稼鳴鶴非所期題鳳時遭罵幾  
時羊善變終慮馬要駕眾人中一人親戚知假借風萍  
旣相遭欲謝亡由謝不如任其天學人事昏嫁

漢陽相公行

漢陽相公望龍虎奉命天南咨固圉盧頭十載建旌麾  
黃宣五等頒茅土雍容軍政矜裘帶沈毅神機陋干羽

百吏難參杜德機遠夸默翫渠邱莒巨艦周城三十六  
先聲一炮摧公府萬雷入夜火轟雲人肉填城血爲雨  
豈无老羆臥當道勢可墳豚公不許兵有虛聲責有專  
諸卿高閣何關汝十月十四事當戢鎮海樓中備尊俎  
藝樂喧闐播大鼓九十三鄉勇遣歸龜從筮從時可數  
粵秀山頭紅旆舉諸營飛翰安如堵無人之地索相公  
百鬼挾趨公首俯回紇今真見大人匈奴故自嗔夷甫  
奮身不竝蛟龍遊繫項甘遭犬羊侮土風誰聽鍾儀音  
廷評或許蘇卿伍相公一身何足惜中朝體制天王土

拂珊集

嗚呼相公之志非不堅半生功烈知由天東洛舊齋籌  
海望南交新就富華篇散金自學陳平誤如意猶思昭  
遠賢李陵得當還歸漢千里云亡定怨仙君王面下歐  
刀救故舊情深動顏色幸不生還累素交且爲易棺安  
及側文淵馬革換絞絲慷慨幽憂那得知老父悲涼撫  
題湊 聖朝寬大免陳尸相公介弟東華客文采瑤  
玕品圭璧著書薄海有高名下客長安曾接席可憐痛  
哭爲余說國憂方亟非家阨我時無語祇沈吟事有難  
言忘弔恤願能奮發攘奪功一洗垢癥同氣責粵游偶

讀粵中詩廣東人誤識有之

見陳蘭甫詩

敢道是非无信史

欲明功罪仗微詞屢乖事會寧關命撞壞家居更付誰  
征南幕府新傳箭笳鼓喧喧歸善縣官紳踴躍檄輸將  
王師靜鎮終無戰故事無須感漢陽天津北去火輪忙  
東風入律夔龍績捍海金堤白霧王

### 李孺人

中堂虜巡撫困將軍被毆三司諸道郡縣紛紛或匿而  
避番禺李令君東關張一軍旗營延寇自北入令君在  
東猶未聞益人居署臚耗皇遽老城且破令君何處忠  
孝心君素具我妻兒豈暇顧左右視無可語命官死國  
命婦從香纓纒項趨而赴令君歸來尸始仆烏乎五羊  
城官如雲城破死者一李孺人

行篋無書案頭有數種各系以詩

聖人之道得易而尊羣儒蠅付以鑿以煩吉人辭寡何

如勿言

周易

代有始終事異文質自易而難商周一律帝王沒世

謝簡漆

尚書

飛天潛淵陸有動植穹壤並育詩人所職賢聖發憤言

邁華國 詩經 詩流

細大不捐純駁互異亦王佐才亦仁者術讀未成書安論得失 周禮 周禮疏

東作西成春秋以名褒生貶殺春秋以戒麟兮麟兮非時則怪 春秋

微言既絕七篇則那子孫冠祖平論非苛先河後海容也爲何 四書

訓詁之始喜其不繁卿讀不熟死未知冤吾生磊落亦導其源 爾雅

批邪集

三言

析義摘其謬掄文賞其古舉以列羣經後賢笑許許間居有韻文實開佛經祖 禮記

素臣執簡祧古人文辭不可已夫子自云國語弗類豈耄倦勤 左傳

道明自然異世同指重靜者山洸洋者水能移我情條然行止 老子 莊子

學述董子言罪因仲卿累古今非常人學術性情備我生千載後讀之輒雪涕清熒定奇尚惜哉傳失記 史記

有弟人中龍有妹女中聖父子盡良史門才希世盛古

今人表中竇憲宜何評

漢書

百四十三卷班揚終始全永平迄建安四舉悲殘編

高廟盛文治補正終流傳老筆過蔚宗公論真無偏

東觀

漢記

矜麗必凡近自誇勝班固論贊可兼施豈以多爲裕文

衰文苑立此語甯無故

後漢書

承祚良史才帝魏緣晉吏策文備登蜀已足昭微意議

論偶忤俗後人多責備

三國志

蒼萃十八家徵引十六國盡善天子心秉筆史臣直晉

拂珊集

人矜浮華駢儷鮮質實國俗啟史裁四贊天垂式

晉書

譏祥與詼嘲虜夸合南北豈好雜家言舍此非傳實書

蓮生何遲佳傳不能得

南北史

亂自永甯始書至正光成彥鸞清河傑大筆殊縱橫收

也好譏議小失胡重輕

十六國春秋

世鮮閱覽儒類書乃輩出歐九目藝文兔園盈著述此

究唐賢書精絜後无匹

徐堅初學記

淵源出紫陽芬芳傳信國玉海千秋業紀聞百夫特君

稱炳燭明我悲燭火息晚年倘飛遜讀書敢失職

國學紀聞

帝京景物略狹陋殊大觀吾宗著作才觀海觀其瀾篇  
終石鼓考古采尤斑斕日下舊聞

翁山大才士談理殊淵妙嶺南志風土此書可覆盲自  
道嗜奇病實惜詞章料廣東新語

文人著書意所託不妨尊經史兩大部浩瀚詞學源况  
今王畿地疆理資多聞楊生重掇拾足補大鴻勤遼史拾遺

拾遺補

神農迄明寰四千八百歲廢興日月燈來去皇天帝天

臺老書生辛若來論世歷代帝王表

拂珊集

亞細亞歐羅巴阿非利加亞墨利加不知四土外我家

何在耶瀛寰志略

詩人喜標植其實皆游民王公嗜風雅軒輊有偽真此

書定不朽燦列容諮詢國朝詩人徵略

徐生老幕府研經殊專精二百六十篇有目不敢盲我

无考訂功服善心自傾昨且見其詩格致尤鱗鱗通介堂經說

古今第一選衣被千載餘穉櫛恫鬼神奇字填空疏無

驪不淵妙不解唯連珠昭明文選

流鶯一聲唳脆過師子吼十畝蔚青青何處雜稂莠夜  
深呼兒讀清味勝鹽酒

六朝文絮

經解阮相國經世賀尙書內聖外王業兩大不可踰卻

陽老魏默多聞真碩夫

皇朝經世文編

辛氏注已亡北平注太易此書豈在注此論殊美備彥

和今不作斯文世不墜

文心雕龍

鵠舉便辭裴長史虎來不舍吳指南願傾海水作春酒

倚天把卷千年酣

李太白集

乾坤卒卒見人豪忠愛文章僕命騷天子威靈清海岱

拂珊集

三七

故人風義痛陳濤酒盃自識嚴公令飯顆何關太白嘲

不用千家箋注力龍門史筆自分曹

杜工部集

險盤魁紀公龕厲玉川子侍郎獨謹嚴經訓充辭理陳

篋俾蒙面識字數可紀

韓昌黎集

大哉禮樂論萬古揭聖原其文竝昌黎卑亦秦漢言此

本八百載伯恭所討論隋園弄藏失吾祖得而成讀書

種勿絕嗟歎顧後昆

宋版呂選蘇公文集故曹練亭家物

旣死李供奉更生蘇端明端明之去復千載人間斷絕

鈞天聲長抱遺編逐游跡幾時高唱黃樓行

蘇文忠詩集

昔上巢居閣梅花依舊開今翻和靖集不道馬卿才

靖利

乾嘉詩人弟一手三家四家時所偶幼畊常論真人氣

但讀斯編默點首

忠雅堂詩集

經生不足囿瀟灑更詩人老筆渾無敵清思奕有神從

來知學術自必抱天真己未才如海周生信軼倫

鑑止水齋

集

海內論文行東洲第一家蒼然松柏質奇秀吐天葩求

女時難應傳經望獨奢大明湖上地卑濕感長沙

使黔草巖

拂珊集

眉瓦屋草使蜀奏稟

黃金臺畔快瞻韓風烈文章結古歡聞道入吳虛贈策

蚤知適越合焚冠鑄歌已著千秋業鼓舞誰扶萬里翰

漫說朱家依郭解道人憂世共長歎

怡志堂詩集伯韓文時在蘇州適

萬扛守蘇

空庭過微雨坐讀葉仲詩感其骨月鷄負此高潔姿他

時倘相覲平心還論之漢陽相公行君讀毋漣涌

敦夙好齊

集

前王制爲律後王制爲令世輕世重間聖人重民命草



木地之毛榮華物之盛織巨罔攸遺聖人盡物性小儒  
肅衣冠中夜擁短檠

大清律例  
廣羣芳譜

除夕

蹤跡中原隔飄零冊載身交親當此夕知盡念征人來  
歲春何似安貧志易申雪堂能築就誓墓便埋輪

庚申元旦臥病

小病逢元日天教辟俗深揮豪任塗抹望遠獨沈吟地  
脈何曾斷天心不易尋閉門燒藥裏三始酒同斟

偶作三四五六言詩

失後二首

拂珊集

三

收

天欲雨雲魂魂日之夕鼓喧喧穹斬澤民號寃台亡柯  
芻以云穆龍祀庭亟焚決東海潤厚坤勃陵茗苗裏新  
民大悅歌帝恩

帝不我慧棄我如遺帝不我貴以葆我基克靈克壽厥  
維神龜其困已甚曳尾於泥丹鳥燁燁過而嚇之爾毋  
我嚇我樂弗衰

漫興

有序

海濱寂居交遊稀簡醉夢之下輒復作詩或類  
裏人或云感遇事雜言龐統名之曰漫興而已

崑崙作鎮水分流雲將驚聞拊髀遊四十年華烏兔笑  
微塵心事鳳皇羞早知天地原虛器無賴詩書撥古愁  
見道不難難守道後人詠我小莊周

提戈吉水返岷峨新月騰霄鏡乍磨事以聰明乖妙悟  
才因偏宕入悲歌壞轅漫許齊中駟知我誰能亞太阿  
畫徧旗亭畫眉嫵生平消受幾丸螺

君家兄弟可憐人滄海浮萍記不真棣棣山河見儀態  
迢迢銀漢感星辰因緣字是銷魂偈戒律功留妙色身  
一縷靈思作香篆秋棠花下懺前因

拂珊瑚集

四

蘭橈棠舟泛楚吳江山往昔帝王都梅花落後騎黃鶴  
蓴菜肥時飽碧鱸紅淚偶因前代墮青尊不放美人孤  
可兒死盡烽煙滿重到蒼涼舊酒徒

不見汪生已六年江山何處聳吟肩風花結習知無恙  
詩卷長留自有權湘水瑟清資大藥漁陽劍舞老青蓮  
十洲遠近神風大歸語去君定惘然

渡海原知是壯游天心安置不凡流符黎豈必無佳士  
軾轍居然共一州上帝乞兒平等可木雞威鳳對談愁  
生平突兀今知報曾指滄溟作斷溝

萬里離悰待坐論夢中文字慰心魂深宵露布來吳會  
攤飯雲箋度劍門世不需才人且睡卿如焚硯我尤尊  
揚州太守長洲客環坐來看醉眼昏

古極鬚眉萬目驚善談眾妙老先生穆源已逝千秋侶  
籍湜難辭三代英卑論人猶疑秦華危言心未薄公卿

淵源風雅歸山左此論吾曾几席呈

穆謂張穆源謂魏源

大瀛海滙百川波京洛名材自昔多拔藻不難誇陸海  
洗兵同欲挽天河九朝鍾毓夔龍望十載交遊甲乙歌  
大略賓王敷奏好微聞省殿蹴氍毹

拂珊集

四

釣龍臺畔感無端橫海猶然上將壇故府流傳鷹隼句  
老生調笑鷄鶩冠人遲作相關年命天尙佳兵困羽翰  
東閣不窺依北斗貂裘露坐自禁寒

孔雀文章比鳳凰山雞舞鏡影難藏眞才落落能千古  
細響洽洽動一方妄欲吹毛劉季緒偶聽焦尾蔡中郎

名山點綴憑臺閣卻笑烟雲失老蒼

一作更無撫掌沈東陽第六句

聞亂呈大兄

故鄉忽大亂甌自吾郡開吾邑郡之腴倉皇先被災鹽  
井萃縣北萬丈水花堆聞道黃金穴一晌成蒿萊我家

邑西鄙門戶百年來書藏大夫篋樹老太尉槐土田給  
歲入臺榭亦小佳子弟僭玉塵女婦安荆釵承平荷天  
眷娛樂親鄰偕動地起鼙鼓失箸聞驚雷自然奔邑城  
長老攜嬰孩道州蒙賊憐五里郭弗摧幸免填溝壑終  
慮傷根荄海客無羽翼歲晚睹風埃吾鄉乾淨土此亂  
何繇胎或云滇中逆久隱窺邛岷或云肇釐稅過索眾  
勿諧或云實非叛攘臂怒胥魁長官亟功名誘斬亦或  
乖俯首視狗彘鋌走成狼豺途遼叢臚言驚痛終疑猜  
蚩尤旗蓋天兵氣盈九垓大劫洩天怒人謀甯暗催我  
官非拾遺覩爲世宙哀小人有家室骨肉良愴懷五年  
費履屨血氣日以隤七尺躄位置何處尋山隈海濱非  
可老目斷連木簿皇天肯獨憐靈景豁幽霾伏願秦楚  
師飛翰齊輪駟中郊蔓盡剗大地春重回我歸扶髦悼  
甯復思多財浩歎對伯氏撥盡寒鑪灰

接增城書答二律

戢戢雙鱗渡海來海頭烟雨暫時開鯨鯢喜築津門觀  
蛇豕驚傳故國災半載傾殘椰子酒九秋來應菊花杯  
羅浮有約吾終到憑語山靈莫浪猜

星沙開府古豪英  
篆筆先朝夙有聲  
天下文章關器識  
雲間星斗貫元精  
窮愁吾早啗  
東野忠義人知貴  
北征賈誼年來辭  
幸舍漫思長揖大將軍

買雙鳩仿桐鄉人製秋鳥法食之絕佳戲呈坐客  
春酒芹芽蜀人膾東坡黃州深憶之  
去鄉益遠時益變  
季鷹瘦殺思徒爲嗜腥  
逐臭讓海客桐鄉秋鳥真吾師  
連朝餽雨鳩可罪雙頭入饌維其時  
稀膏縷切玉花碎  
糖霜糝雪甘沁脾  
吳鹽越釀發馨逸  
筠籠香蘊登盤遲  
果然風味絕人世  
清如僊露腴如脂  
賓客歡言三嗅飽

辨冊集

望

兒童未飲請再期  
嗟余薄祜遯海外  
敢窮滋味虧生機  
桐鄉吾宗有遺愛  
食單報此近局資  
生居鵲巢慣久假  
死蒙秋鳥甯非宜  
惡詩不足樂賓客  
呼兒高唱頻伽詞

郭類伽有秋鳥詞絕佳

逸詩

涇渭流萬古清濁不自言  
河漢高且迴迺弗須籬藩爲  
政如火烈比德侔玉温窮冬地更暖  
至人語不繁神龍怒螻蟻固自失其尊

春風吹客醒醉夜雨替人理  
愁錦瑟繁音指上鹿盧虎

氣眉頭大道歸諸便溺古文悟自蝸牛種瓜種豆種德  
忘機忘世忘讎

得幼畊前後惠詩九章知其就官貳尹兼欲歸吳  
省親竝告我蜀中大亂

黯黯征愁溢古今叢叢豪翰費沈吟龕官易就容將母  
故府猶憐說賞音歎我倦游家又破共君揮淚海同深  
夢中識得吳趨路月落烏噉楓樹林

得伯蓀去年除夕書知杏農坐事左遷吳澈嚴攷

於京邸又云東洲師在都聞伯蓀有鑿成書走

拂珊集

四

來索觀蓋不能忘也賦三詩不必寄伯蓀志感  
而已

金臺朋舊竟何如仍得周郎寄我書慷慨待成豪士賦  
清羸早入化人居文章風烈驚龍性生死窮通泣狗屠  
海上寓公貧賤老釣竿無復掣鯨魚

茂苑城頭別絳幃三年蹤跡語堪悲不窺東閣綠疎雋  
留滯南荒坐亂離好語傳公腰脚健老衰惜我歲華遲  
他時捧杖從游處童子驚添繞頰髭

鑑是年留鬚

同是天涯倦客身謀毆旅恨借嘉辰

來書云除日游琉璃廠買得雙燈未

及夕而  
欲然之  
雙燈照室誇聯璧萬里襄君屬幾人聞道湖山

餘戰壘  
可堪閨閣犯征塵奇窮或亦蒙天佑欲問無因

浩歎頻

此時杭城已破伯蓀眷屬里居未知無恙不

起坐

倦客欹高枕奴兒出矮花恐忘子淵約起坐強呼茶

童子

茶傳十自花叢出高與花齊

見國朝詩人徵略所摘讀趙味辛集有題曰君勿

疑愛其名佳而不得見其詩擬作數章

春畊雨瀟瀟秋穫紅日高百穀致疾兮百藥爲之療高

拂珊集

四

厚於人無所欺吁嗟君勿疑

長沙不死登明堂飛將不侯因殺降莊見憚兮或容其

狂明主於人亡所欺吁嗟君勿疑

大兒學吏宜從政小兒力田自安命一經七業兮視厥

性慈父於人亡所欺吁嗟君勿疑

乘車跨馬爲君下結束登堂嚴拜母忽然割席兮誓不

與處良友於人亡所欺吁嗟君勿疑

悲哉諸母王孫窮朱門酒肉紛腥醜滅爾罪兮迺爲我

功乞丐於人亡所欺吁嗟君勿疑

南山之虎東海虬饑則覓食困亦遊甘人肉兮蕩陵谷  
梁鴛周處何恩讎異類於人亡所欺吁嗟君勿疑  
晝之所爲夜告天端坐如塑經九年羅幃下兮蝴蝶顛  
魂夢於人無所欺吁嗟君勿疑

二哀詩有序

春夏之交連得子雨中丞萬杠太守凶耗兩賢  
皆鑑所不能忘也作二哀詩哭之

權粵撫廣東布政使江公國霖

醴陵言蚤用減粵中外災公議旣不沒天年胡自摧受

拂珊集

吳

知在 先帝駿望靡與儕一入虎觀選兩持龍節迴

十年竭颺歷嶺海雄藩開花髮更紅巾籌筆功崔嵬露  
布輸人疾風影遙天疑臣心皎白日天語傳驚雷軍民  
失聲歎竇從俯首歎曹王慮母戚 聖人終吾孩其  
年日方中豈慮虞淵積九光透覆盎再見大業恢

帝謂人間勞流光垂尾箕仙城海山近去矣歸靈芝軍  
民泣有聲竇從言非私孤臣感天眷九死固其宜穉孫  
侍王母匍匐將安之忠憤實身易羈鷄歸匱遲小生共  
鄉里勉強爲文詞失職逃豐鯉無因叩公扉忽蒙大雅



召遂以國士推與商萬古業相勸氣勿灰去年浮大海  
瀕行拜公厄謂子倦游返鄉里相娛嬉吾時意不然公  
望終龍喚隔海奉叢翰忽病忽云瘥颺颺送哀音竟萎  
扶桑枝重檢舊手蹟承曉泣綆糜酸辛訣別書沒世尤  
相資五月中有書來相訣謂疾亟恐終不復相見身後云云宇宙黯無色何況吾  
枌榆子臣兩未終何論文字垂頗聞老節度謂星沙制府力  
合麥舟貲此固謂夷粟清德終不虧遺鷄賴爾救從容  
天意怡此又大賢責他人非所期寂寂厝古寺深夜歸  
靈旗滔滔視九牧誰起此瘡痍爲公灑熱淚灑灑海波

拂册集

望

飛不同西州門存歿兒女悲何日挾雞絮撫棺哦我詩

此日未遽得先寄蕭公知謂攬軒

權蘇守揚州府知府郭公志融

太守湖海士高論萬古橫起家櫻桃宴試吏芙蓉城秘

不露文章轉以幹吏稱大郡領安慶中丞方專征時袁

副憲督師江北神機叅幕府折箠招戮刑盜魁名奇兵貴用間睡

手功定成尺符撤帥節皇天豈佳兵雄虺竄大壑

英雄惟撫膺家國兩多難戴星梁益行得友去蠶叢葬

母歸五羊轉鬪紅巾間里第一炬傾撥亂肯抱山起宦

趨帝廷天子稔舊績重地受廣陵廣陵當四衝長髮張  
囂聲鎖鑰君最可屹立巖關局紅纛劫粵帥大臣擁雙  
旌耳君英略久隸入征南營奔走空皮骨功究無能各  
萬里返吳會七月權金闈倘延百日命金闈當不歿此  
才死牀簧人幸我涕零勅下遷厥官皖南軍吏慶豈知  
授節日已見隊地星重臣拜手言此地眾莫勝用亦非  
不早天意真鷄明歿十餘日特旨備放皖南道兼按察使銜近見欽差大臣曾奏郭志融已故皖南吃重甚難其人小生與相識迺繇吾幼畊讀贈幼畊詩譽  
以馬長卿吾文豈能然嗜善君子情發篋出璆玕光怪

拂珊集

異

令我驚始知大夫職九能皆共能汶江風雪夜三人聚  
壺觴炎炎天下談座客縮項僵燕市酒共傾南征葦同  
航相愛若骨肉無故偕慨慷苦勸蚤北游道吳與經營  
大風積不厚負我良友生念吾幼畊歸家亡君亦亡定  
有煩寃詞額闔號玉皇比聞蛟龍匣已返父母鄉生平  
萬篇詩喪亂誰弄藏有兒守父書排纂後死當我羈奇  
甸中鬚鬢俱蒼蒼何日覲幼畊遺集同校商扶持寢門  
外痛哭陳椒漿知君不忍聞被髮下大荒幼畊觀何日  
詩成重斷腸

明燭

明燭高杯倚濁醪  
半生歌哭借離騷  
不因風雨愁誰訴  
便守家山夢轉勞  
歲晚且編詩度日  
憂深欲屈鏡爲刀  
中州氣象無何有  
漫對滄溟感二毛

漁父詞

茱萸灣頭月初明  
臥吹短篴待潮生  
官人喚渡不妨渡  
舟小如何載馬行

不寐

攬衣起坐意蒼茫  
簾捲龍鬚怯嫩涼  
細雨春宵魂易斷

拂珊集

更堪消受海南香

水利舟行白肇慶一日過佛山

水利舟行不借風  
岸山如馬萬羣空  
居然海客乘槎刀  
笑謝僧伽禱塔功  
三載重來驚面縐  
回頭難忘仄泣途  
窮拋雲問訊天池  
烏六月扶搖大概同

讀小谷丈火輪船行別有感觸作火輪船歌

東西南朔千萬程  
車輪不啻四角生  
偶然浮海觀長鯨  
但憑風力毆縱橫  
彼我何以制器精  
螺舟潛伏非所營  
以火作將輪作兵  
大釜水氣蒸而盈  
雙輪碾浪飛雲

掣電之勢轟雷聲吹橐觀火殊淨  
海眼直視鬢髮頽  
舟車所至海若驚古多奇器無此名天功竟以人力成  
我何爲者守硜硜駕萬斛舟尋濯纓忽且遇險雙眸睜  
伯厚家法無急行少文之氣空崢嶸焚舟志與埋輪并  
屏翳莫與炎官爭

酬陳朗山孝廉

良玉漢軍人

大醉後作

其人骨詩有氣其醉有神語有味拍浮豈了一生事  
酒酣爲我談歔歔四海橫流水飛躍八荒卒卒驚羨沸  
君是從龍老孫子我慙豹隱其文蔚詩人猛士盡無用

拂珊集

五

攢眉入壘何足貴我將歸去藏巽岷君眞坐老珠江濱  
同心不得爲比隣題襟奉手嫌陳陳止君過飲愛君醉  
見余笑舞因余嗔此中鬱鬱不可論扶桑萬目窺朝暉  
小海之間容逸民無可奈何仍飲醇紅雨漫天詩益新  
消磨春夏秋冬日付與千秋萬歲人

流花橋

南漢宮人修禊處時借  
蔭泉紫甫雲牕同遊

霸氣銷沈粉黛遙微波不受木蘭槎春風舊聚如花眷  
冒雨來尋僞漢橋是日微雨千里素馨宮闕沒一灣芳草水

雲嬌臨流客意空思酒豈獨劉郎有寂寥

與雲臚宿白雲安期祠

此山靈氣在山泉說到安期便可憐縱酒定尋鞠道士  
道士鞠齋年七十餘健談善飲本旗籍諸生明山中表也酣眠無擾睡神仙詩新張  
壁人懷李雲夜入樓衣失綿道士舊居羅浮以吾鄉西瀕宮贊所贈詩幅出示

石上萑蒲隨地有與君騎鶴是何年

長沙

白蘋風起動湘波滿目騷情哀怨多宣室幾時召賈傅  
長沙何處弔湘娥飄零涕泪生蘭茝明滅旌旗出薜蘿  
我自行吟江月下道逢漁父不聞歌

拂珊集

五

先世曾權太守符湘中道愛祀生芻烽烟勝地終焚燬  
廟貌荒江問有無從伯祖右佺公嘉慶中權長沙守有惠政以湘潭門案去官湘潭人立廟以祀今爲長髮所毀事歷三朝遺老盡遊窮七澤客懷龔頗聞今  
日南風競支拄乾坤幾丈夫

長沙謁東洲師

立雪人來小雪時入城先問化龍池人驚生客排朱戶  
天暖秋香擁絳帷大海回舟眞面在故山築室老懷宜  
師於文安墓與築草堂四年盈尺名山業不是侯芭未許窺  
一燈圍坐促傳杯又見先生笑口開報國如吾心早失

壯年不仕子何來文章豈有煙霞癖懷抱何因遇合墮  
骨相應圖才應世盪車豈信老龍媒

淵源嶽麓古荷香大好河汾屬故鄉楚人新創古荷書院爲先生授經古

地經術從頭談許慎楚材幾輩得陳良五更三老時應

屈尺壁分陰業尙忙弟子飄零居未卜何年冠劍再升

堂

渝以上舟中作

聽殘海雨聽江風電驛雲山一夢中少長淪亡家難取

年來家中長自季父幼及稚女死者十餘人枌榆破碎客途窮閉門敢學陳

拂珊集

無已對酒仍慙蓋次公杜宇鷓鴣都有意暮寒天氣雨

濛濛在渝聞賊再來富順戚有阻行者

大賴英雄鎮上游故人旌節領夔州忽傳臺史收金虎

無復神師出火牛在長沙聞鄂生簡夔守旋聞被議國士於今猶束閣

吾儕何事漫登樓名山稍有寬閒地獨酌悠然笑馬周

十年厭見旌旗色萬里歸聽野哭聲勞我以生荃宰酷

看人造劫氣機衡露車自發王尼歎懸釜難遺穎叔羹

最羨坡仙好文福不論形勢值昇平

悲哉妄念不能駢蜃氣樓臺起滅殊怕問秦庭傳碎璧

終期合浦慶還珠  
天涯竟老佳公子  
官裏原無小丈夫  
諸老知人緣我誤  
中興文字盡支吾

歸樹滋堂小樓聽雨鏡君弟良箴姪同作

高樓夜雨太儵然  
老屋青燈二百年  
文物頓遭兵燹盡  
詩書猶待夢華傳  
豈無枝葉榮喬木  
尚有風雷殷遠天  
與爾共饒湖海氣  
彭城飄泊未須憐

雨夜寄鏡君

雨意催涼自不嫌  
雨聲如訴客愁添  
珍珠蘭碎芙蓉懶  
自照銀河出畫簾

拂珊集

三

聽雨江湖髻欲絲  
離人今是在家時  
何如仍作天涯客  
雲散風流任所之

次早作

宵來雲重雨盈盈  
曉步湖堤草怒生  
更喜荷盤高一尺  
低花盡聽打蓬聲

題陸次山通守巴山話雨圖

雨細茶香燈影紅  
疎疎涼意透簾櫳  
使君聽慣巴山雨  
但有江船豈欲東

家國蒼茫共此心  
雪堂舊約幾時尋  
離人落落巴山夜

蕭槭枕榔海雨聲

通守屬和都門秋柳舊作卽用原韻

錄二

柳枝無地不消魂最豔陽天最受恩香雪海中叅絮果  
芙蓉鏡下拂袍痕低迷玉殿春風飽高唱旗亭別酒温  
散盡雛鶯賸疎燕可憐秋已到都門

跌宕天門非路歧何因感觸髻全絲斷輪倚攝天王怒  
大厦難憑若輩支如有放臣羈客恨只宜殘月曉風詞  
橫流滄海無情甚羨殺前身老硯池

沈石田文衡山雙松卷子爲子壽編修

彭年題

拂珊集

書

卷中二子沈與文畫松皆樞梅道人道人真本去天上  
二子雄駿今誰倫神虬一臂撐秋雲迴翔萬里班脩鱗  
雷冥冥號雨紛紛夜濤如吼裂山垠沈濃文淡氣則均  
先庚後庚疑有神二百年來歸黃君

編修尊人  
栗鳴先生

凜國之楨公子占異松之羣樂啖松子辭侍臣解衣買  
畫聊娛親命余放筆傳松真一日兩獲獨角麟道人見  
亦驚絕塵杜老悲歌古宏偃嗚呼此詩聞不聞

答張蘊雲明經

懋徽

次韻

脫帽一太息奈何吾有身安危勞去就事業轉逡巡共



此一尊酒誰爲千載人梅花犯殘雪歲晚逗青春

補錄

劉孟容方伯隄陽凱撤有詩索和用原韻

四年巨患繇誰發家山踏徧狼狐迹君侯振策出隄陽  
五日經營一逆畢寄詩筆許龍文杠殲渠羣笑牛刀割  
吁嗟彼逆非人桀擒縱何須累諸葛當塗未覲老罷王  
帥師尙狃狐貍紇半年四竄營三窟虎落重重開蟻穴  
匹馬從天倘不來雄虺縱壑終何極凌雲山上秋雲碧  
旗纛舒舒見行列長濠先濬圍如繩蛟囚虎柙饑鷹繼

拂珊集

五

千奴共膽犇如潮梅花椿拔陣幾裂風刀雨血蝨弧奪  
彼逆能衝竟何益戰聲正沸羣聲泣未折其首先禡魄  
一紙賢于十從事面縛而來計殊拙鯨鯢遂盡五千級  
捷書計夜甘泉達兒頭蕩蕩蟻蝨空九牧游光威望懾  
湖南指顧告功成焚棄素書撤軍藉紫兗簪佩容定繪  
穀城松石肩差歇卻思九殿錫花虬肯聽中軍舉羊舌  
英雄大槩樂咩桑蒼生舛望籌饑渴伊誰之責何容說  
君侯終始期亡闕

幼耕生日

嗟哉吾與子高會復梁州攬揆適相值行藏各不謀漂  
零江海徧時節雪霜遭文字飛騰處誰能憶馬周

唐子方方伯夢硯圖令子鄂生太守屬題硯爲雪聲堂遺

物太守三世所藏見文集夢硯圖後記

空堂凜冽雪聲出汝生天地非間物珠海靈風毅魄勞  
漢河奔浪孤忠鬱維方伯公偉丈夫堂堂忠愍真其徒  
阿翁夢硯兒得硯一氣忠孝相盤紆精誠不滅石不裂  
兩家孫子承心訣獨漉堂詩感黍離成山樵又開豪傑  
太守自號京師昔觀此山樵高燭如臂深夜燒爲余鄭重說

拂珊集

五

此硯舌騰光氣森招搖題詩未及脩然別仗筆我倚征  
南節清遠舟中一夢無蓬月有聲驚越雪歸來賣卜花  
市前山樵領郡標戎旃大凡摩挲屬往蹟行營勳望齊  
先賢慨然謂我今詞伯投我綵絜方尺策祖宗手澤重  
英瓊英雄骨相終兵革太白睽睽原嚮晨忠愍遺事不  
復論中興薄伐有英主擁兵易將吁何人鑑也披圖問  
品藻道咸人物差堪考臯羽能藏玉帶生敬宗敢觸孫  
莘老烏乎三十六策丁運窮一十六字尤從容方伯公事人  
生遭際等夢耳硯尔何幸傳雙忠浩歌未已山樵泣墨

池雲起天風立金聲吟嘯朱鳥來血淚染濡紅錦襲我  
語山樵且勿悲補天填海君當爲元儒磨淬光益發忠  
臣夢寐俱無虧烏乎側聞新政求忠諫故家莫忘先朝  
眷鸞起商巖夢裡賢不缺金甌如此視

新繁程令君曉松

祥棟

招同新城陳遜翁

學受長

洲顧參軍子遠

復初

貴陽黃編修子壽

彭年遵

義唐太守鄂生

炯

宜賓汪梧村

香祖

隆昌范員

外雲笈

泰亨

仁裏張司馬筠農

載型

宴集語村

有詩余次其韻

拂珊集

五七

參商久矣星重聚流涕無煩策治安一詠一觴都不易  
呼牛呼馬復何難乾坤缺陷勞公等文史縱橫助我歡  
怪煞江南老詞客白鬚如戟氣桓桓

座中惟至人最長  
言健談兵說劍氣

概大勝  
昔年

附原作

汪香祖

大江左右皆南士錦里風光尙宴安三代之英由  
此選九人而已信才難文章名世知何用吏隱分  
途且盡歡別亦數年歸萬里可無臈酒共盤桓  
鄂老移居子龍塘賦詩索蘇卽次其韻

同作者于  
遠子壽極

阿房三十里杜陵一茅屋貴賤齊廢興近不在耳目唐  
侯賢主人老夫客亦熟敬門不投刺素書欣共讀子居  
湫隘中吾意亦不足順平洗馬池地稱英雄卜殺賊手  
暫閒種花童且督

金臺目懾我光景逝不留七年宦梁益烽火紆煩憂呼  
叱九花虬轉戰不肯休師子搏狡兔狗鬪矣獼猴弟孫  
一執法刺姦劾自投倘難一老兵何足云千秋當時石  
和尙似已爲子謀

余與鄂生昔遊  
西山所觀者

拂珊集

五

先廬屬鬱攸靈仙構吾宅榆花蔭麀鳳不受牛羊阨義  
和馭日勞挽之就吾息何日娛神官新月貼簷隙身在  
太古前豈復繫典藉瓠甕土石木一一閒人責惜子金  
閨彥不共此可惜

何來雙梅花月下玉人影珠海我新歸又入羅浮境等  
余歲亡晏植物思亦穎吾語二三子撫臆各三省悲憫  
倘可釋幽屏人人肯子擅盤錯資甃閒已云幸花深復  
我招代子長醕酌

蘇文忠生日鄂生邀集同人設祀寓齋同會遯翁

子遠梧村雲吉子壽筠農薊雲各紀呂詩

坡仙生日歲有詩此日之會當何辭唐黃汪張張顧范  
瑟僂閒逸殊威儀新城一叟坐孤羸是皆海內之精奇  
我蝨其閒何所爲我蝨其閒豈無爲鶴南飛曲素所知  
生平知音不知樂紫綺之袞空自披馮叟祝郎情乃移  
叫雲橫玉無龜茲再拜奠公青玉卮仙之來兮神怡怡  
靈雲冉冉梅花枝凌霞香篆裊裊絲三蕉葉後神醉止  
講以諸子舉似之唐四精敏夢絲治論擒鬼章機獨知  
黃九談笑多滑稽天真滿腹容纖兒汪顧才畧天所貽

拂珊集

五九

振響不獨銅絃詞一張年少能娛嬉鶯鶯燕燕三五時  
龍邱居士春秋師當時不見范文正延州兵甲今則窺  
合尊歡笑玉屑飛枯腸得酒俄生悲維公往蹟多追隨  
黃州赤壁登虬螭臨安葑艸經芟夸惠陽峰頂白鶴飛  
六如亭子花淒迷茲遊奇絕渡海去數經此鷓微嗟咨  
枕櫬菴下問符黎海山如故風尚非歸來依舊瞻峩眉  
百憂裹抱歌五噫雪堂尙待兄弟樂陽羨卻少田廬資  
戰馬乾坤土木姿人閒遊戲寧合宜誓將世局累諸子  
竟從公去棘仇池人祝公者吾一鳴千秋萬歲無盈虧

人祝公者多一題

感事

道州自署考功第從事誰爲投劾行政拙心勞非意外  
朱顏白首嘆時更海天臺閣春雲幻庭院梧桐秋雨鳴  
起挈袂衣出門去宛邱難置此先生

十月二十二日

四十四年眞夢境百萬里浪游人罪言投海酬知己  
樂志關門作幸民七尺鈍花憑繡澀三辰玉乳試逡巡  
老親歡喜家人笑裝點寒庭頃刻春

拂珊集

卒

蘭成傳箸腰圍大諷諭詩輪格力高飽死或慙雲子白  
歌停原諒雪兒勞大江東去傳橫槩浮海鹵歸悟善刀  
三徑就荒瓶菊在知君玉骨特堅牢

老滯天南蘇長公一門羣從頗雍容明年自誓踰梅嶺  
諸子能賢入藟籠馨逸繁花輝曉日連蜷老樹飽秋風  
聯珠翻徧麻沙本儀虞封胡尙許同

雲萍甲乙集通才半佐清時半草萊龍德飛潛隨領取  
人情通介自低徊名山豈敢慙車乘橫海憑誰掃劫灰  
子美不憂書斷絕莫教老瘦賊中來

談經唱徹花三昧泥飲歡沈月兩頭秋雨芙蓉司馬病  
白雲蘭鞠漢皇愁香絲堆黛紅麩枕金縷扶春軟玉鉤  
如此鬢鬢成一矣迷香洞換白蘋洲

今古彭殤本不齊祇宜沈飲玉東西半生流水光陰逝  
千載何人姓字稽失矣松苗高借蔭無言桃李下成蹊  
未知生樂何如死難得通人與品題

十二月十二日燕妾舉一子

四十衰翁鬢已華任譽豚鷄作龍蛇何人爲誦靈光賦  
他日應興絡秀家祖姓千年宵賴此父書萬帙浩無涯

拂珊集

李

飛牋且報蘇和仲最小於菟入夢遐





